

Regio.
unde dicta.

Situs.

Soli fertilitas.

Vera Picardia.

Urbs.

Picardie nomen quamvis non magnæ antiquitatis, nulla tamen ejus certa potest reddi ratio. Alii aliam augurantur. Robertus Cenalis dicit se ignorare, num *Picardi* & *Bigardis* Hæreticis nomen hoc sint mutuati. Sed his illos constat multo antiquiores. Sunt qui appellatos censent picardos; quod ab his ortus primo usus Lancearum, quæ vulgo *Picques* nuncupantur. Eam hodie, ut crasse definiam, ad Occasum respicit, cum nonnulla Normanniæ portione. Oceanus Britannicus: ad Septentrionem istæ Veteris Belgicæ jacent Regionēs, quæ hodie Artesia & Hannonia: ad Ortum Leuceburgum & Lotharingia sunt porrectæ: ad Meridiem denique Campania, isque nobilissimi Regni tractus, qui specialiore notione Francia vocatur, occurrunt. Regio est fertilissima, Horreumque Parisiorum, atque adeo pleræque Franciæ. Vino caret, ignava potius Incolarum concordia, quam vel Cœli vel Soli injuria. Picardia autem in tres dividitur partes, *Veram*, *Inferiorem*, *Superiorem*. De Vera hic tantum dicam. *Vera* (*La Vraye Picardie*) cœpto parisiis itinere, superatisque Bellovacorum Agris initium est ad Crepacorium. Comprehendit *Vicedamias*, *Ambianam*, *Corbiensem* & *Pequignyam*: Comitatus *Veromanduorum* & *Retelorum*: Ducatum *Tirascensem*. *Ambiana* (*Vesdamie d'Amiens*) nomen dedit *Ambianum*, vulgo *Amiens*: olim ut multi Docti censent, *Samarobrina*, Ptol. appellatur *Samarobriga*. Quidam Antonino Codices *Samarbarivam*, alii *Samarabrigam* præferunt, *Briga* antiqua Hispanorum lingua, & *Bria*, Tracio sermone, urbs nuncupatur. Nonnulli *Somonobrigam* scribunt a Ponte (*Belgice Brug*) quo *Somona* fluvius trahiebat. *Ambianum* certe urbs est ad *Somonam*, qui eam hic ibi findit (unde quidam *Ambianum* putant dictum ab Imperatore Gratiano, quod aquis ambiatur) munitioribus Galliarum & ab natura & ab hominum industria merito connumeranda: Fossis pulchris præaltisq; vallata: clavis ea parte Regni. Templum habet speciosissimum. Probitate sane Incolæ Fidelitateque sunt insignes, *Corbiensis* ab *Corbia*; quod opidum est ad *Somonam*; quo loco fluvius, cui adjacet, *Somonam* ingreditur: clavis itidem, qua parte jacet, Franciæ. *Curmiliaca* forte Antonini, inter *Samarobriam*, *Amiens* & *Casaramagum*, *Roye*, ni fallor. *Peguignya* denique a *Peguignyo* vulgo *Peguigny*. Opidum est sic dictum, si vulgo fides a *Pignone*, Alexandri Magni milite. Historiographis nobilitatum, quod ibi Gulielmus Nortmanniæ Dux, cui cognomen erat *Longud-Spatha*, positus insidiis fuit obtruncatus per factionem Balduini Comitæ Cameracensis, qui eum pacis ineundæ prætextu eo pellegerat. Testantur Nortmanniæ Annales. Comitatus *Veromanduorum*, hodie vulgo *Vermandois*, retento, siqui alii Galliarum populi, prisco nomine. Comprehendere vero sub se Comitatum nunc signant Franciæ Geographi *Suessonum*, *Landunensium*, *Tartenorum* Ditiones, Urbes ite *Noviomagum* & *Fanum S. Quintini*, *Suessones*, hodie vulgo *Souessons*, vel *Soissonois*. *Suessonum* Urbs, quæ hodie *Soisson*, arce prædicta: *Suessones* gentis voce apud Antoninum: *Augusta Suessorum* Ptol. *Landunensium* Ager, *Laonnois*, dictus ab *Landuno*: cujus meminit Vita Caroli Magni, hodie *Laon*. Situs illi in colle. *Tartenorum*, vernacule *Tartenois*, Metropolis est *Fera*, vulgo *La Fere*: Urbs egregie munita, situque commodissimo, ad *Oysam* Servamque confluentes: Arcem